



續事

江苏工业学院图书馆  
藏书章

先略田  
正

中興名臣事略序

蓋聞眞王輒起必有補天浴日之勳聖主中興自多增鳳攀龍之佐是以唐帝奮太原之甲卅六人像繒凌烟並人起白水之村廿八將名應星宿自來乾綱屢馳泰運重開轉危爲安戡亂止武必有風虎雲龍之遇而後有天驚石破之功我

國家忠厚開基

聖神繼統

渾厚仁深涵濡久而人咸思漢

德澤恩溥淪浹深而民不忘唐固已肇

國本於金甌奠

皇圖於磐石無如寰區甚大良莠不齊黠鼠狡狐時思蠢動白蓮青檳結黨橫行粵匪倡亂於前搶逆憑陵於後雖開國師雄世稱無敵而承平日久民不知兵小醜跳梁中原塗炭矣所幸國步雖艱天心常眷

穆宗毅皇帝英明首出

神武天生

委任能臣知韓信獨當一面策驅衆力如漢高善將羣英於是賢才雲集將士星從文正公爲蓋代名臣威毅伯實冠時英傑兵機神妙左恪靖誠諸葛後身壁壘精嚴胡文忠詢臨淮再世他如忠良報國可泣可歌豪傑建功允文允武故能算無遺策師出有功斯時也元戎奮袂壯士同袍蕭相轉漕通江淮之餉道路公秉鉞會齊魯之師期聲六校而屋瓦皆飛坎三鼓而河流自却若太陽之沃霜雪所過皆消譬久旱之望雲霓其倏早慰雖大命之攸歸實人才之效力從龍賢相號虎武臣固已圖像於

紫光列傳於史館矣彼孟獲之佐漢回紇之助唐又何足輕重哉然而冊等藏滕玉猶韞櫝人非劉向何從校  
天祿之書才乏黃香奚白讀

東觀之籍雖生當盛世幸際清時而於

朝廷之聖武將帥之豐功如慶季之聞詩等籍談之數典固儒士所羞慚亦人生之缺憾矣長洲朱君獨具卓見先  
得我心補綴遺文搜羅逸事名曰中興將帥別傳其叙事則原原本本其摘漢則郁郁彬彬其傳神則鬚眉畢現其  
寫戰則興會淋漓臥虎跳龍不足形其精采騰蛟起鳳未能喻其才華洵乎健筆獨扛三長畢備祖述馬班增庸陳  
范者矣惟其書法重狐例同司馬其體非不謹嚴其意究鄰僭妄名雖有別傳之殊職究非史臣之筆不揣空疏重  
爲校訂雖換面而改頭亦張冠而李戴空有換形之樓閣實無變色之旌旗述其緣由編爲俚句嗟嗟匡前人之不  
逮原非入室而操戈敢掠美於一身聊異刻舟而求劍是爲序

光緒戊戌仲秋平江瀛園舊主景雲程世爵序於滬北養浩山房



中興名臣事略目錄

卷一

曾文正公國藩

胡文忠公林翼

江忠烈公忠源

江壯節公忠濟附江壯節公忠信

江誠恪公忠義

附從弟武忠公忠珀

林兵備源恩

鄒兵備漢勳

附弟漢章

卷二

劉武慎公長祐

左文襄公宗棠

忠武公塔齊布

羅忠節公澤南

附塔忠武公邵曲

章壯節公添雲彭勤勇公三元何有

羅山弟子目錄

附鍾近衡鍾近瀛鍾近翰羅信東羅鎮南謝邦翰王開仍康景暉羅信北翁寶奎易長翰潘鴻猷左樞羅信南楊昌濬

儲忠壯公孜躬

附伍宏鑑

褚按察汝航

附夏鑾何南青

楊勇愨公岳斌

彭剛直公玉麟

卷三

王壯武公珍

王貞介公開化

附族叔文瑞張登恆

李忠武公績賓

附孫守信丁銳義何忠駿蕭剛勇公意文彭果毅公友勝劉忠壯公神山周恩烈公福高彭武烈公志德

曾忠襄公國荃

曾愍烈公國華

附弟曾靖毅公貞幹

忠勇公多隆阿

鮑忠壯公超

宋提督國永

孫提督開華

劉武烈公騰鴻附弟騰鶴

畢剛毅公金科附黃虎臣

周節愍公雲耀

卷四

武壯公烏蘭泰附金玉貴田學紹

向忠武公榮

張忠武公國樑附虎坤元

鄧忠武公紹良

瞿威壯公騰龍

饒莊勇公延選附畢定邦賴尚翔

陳威肅公大富

駱文忠公秉章

劉巡撫蓉附弟游

李勇毅公續宜

唐巡撫訓方

貞恪公舒保

石威毅公清吉

王剛介公國才

科爾沁忠親王僧格林沁

清愍公都興阿

卷五

沈文肅公葆楨

丁文誠公寶楨

溫壯勇公紹原附李守誠羅玉斌海從龍夏定邦王家幹

趙忠節公景賢

何文貞公桂珍

金剛愍公光節附毛維翼

李武愍公孟羣附徐剛毅公曉峰

蕭壯果公啓江

黃忠壯公醴熙

張忠毅公運蘭附弟運桂

林剛愍公文察

丁剛介公長勝

劉忠壯公松山

劉襄勤公錦棠

卷六

岑襄勤公毓英

蔣果敏公益禮附高連陞  
熊建益

劉果敏公典

程忠烈公學啓

劉壯肅公銘傳

席少保寶田附榮  
維香

王布政德榜

卷七

郭提督松林

周剛敏公盛波附弟武壯  
公盛傳

潘巡撫鼎新

張勇烈公樹珊

吳武壯公長慶

田太僕玉梅附張  
繼庚

陳巡撫士杰附魏  
煥義

黃忠壯公潤昌附羅  
李榕

帥文毅公遠燁附張學  
士錫燦

張勤果公曜

李壯烈公佑厚

屈布政蟠

金按察國琛

任閣學蘭生

黃按察鼎

卷八

朱提督洪章

劉勇介公連捷

彭忠壯公毓橘

李忠壯公臣典

李武壯公祥和

陳武烈公萬勝

郭勇烈公鵬程

王剛毅公紹義

蕭節愍公捷三

周貞愍公清元

黃參將國堯

蕭壯節公翰慶

黃武靖公翼升

李勇愍公成謀

李提督朝斌

王提督吉附郭桂芳 胡俊友 郭明鑑 成發祥

趙剛節公德光

田巡撫興恕

戚節愍公應洪

韓果靖公超

楊武愍公玉科

陳總兵國瑞

華爾法提督 卜羅德

勒伯勒東附法爾第福 美 總兵 喀樂德克

戈登



曾文正公國藩

曾公國藩字伯涵號滌生湖南湘鄉人也其先自江西徙衡陽胡季徙湘鄉家世力農五六百歲無與科目顯者祖玉屏始驚學父麟書老儒縣學生員至公乃大公生時曾大父夢巨蟒盤旋入室驚寤聞曾孫生喜曰此子必大吾門宅後有古樹藤糾之樹稿而藤日大以蕃蔭瓦一畝人以爲瑞藤云公初名子城中道光甲午科舉人戊戌成進士改翰林院庶吉士易今名散館授檢討二十三年充四川鄉試正考官再遇大考累遷侍講學士內閣學士補授禮部右侍郎兼署兵部右侍郎公在京時日立課程從太常寺卿唐公鑑講受義理學疾門戶家言漢宋不相通曉亦宗尙考據治古文辭與蒙古倭仁公六安吳公廷棟昆明何公桂珍仁和邵公懿辰漢陽劉公傳瑩相友善常慨然有澄清天下之志每自負或謂公大言欺人惟倭仁公數輩信之

文宗卽位之年廣西兵事起賊首洪秀全楊秀清等據桂平金田卽官軍進剿無功詔臣工極言得失公奏今日所當講求尤在用人一端人才有轉移

之道有培養之方有考察之法三者不可廢一上嘉納之詔保舉人才公薦李棠階吳廷棟王慶雲嚴正基江

忠源五人咸豐元年粵寇益棘公奏曰臣竊維天下之大患蓋有二端一曰國用不足兵伍不精兵伍之情狀各省

不一漳泉悍卒以千百械門爲常黔蜀冗兵以旬結盜賊爲業其他吸食鴉片聚開賭場各省皆然大抵無事則游

手恣睢有事則雇無賴之人代充見賊則望風奔潰賊去則殺民以邀功章奏屢陳諭旨屢飭不能稍變其錮習

至於財用不足內外臣工人人憂慮自庚子以來至于甲辰五年之間一耗於夷務再耗於庫案三耗於河決固已

不勝其浩繁矣乙巳以後秦豫兩年之旱東南六省之水計每歲歉收恆在千萬以外又發帑數百萬以振救之天

下財產安得不絀宣宗成皇帝每與臣下言及開捐一事未嘗不咨嗟太息憾宜途之濫雜悔取財之非計

也臣嘗卽國家歲入之數與歲出之數而通籌之一歲本可餘二三百萬然水旱偏災堯湯不免以去年之豐稔

而江浙以大風而災廣西以兵事而緩計額內之款收已不下百餘萬設更有額外之浮出其將何以待之今雖捐例暫停而不別籌一久遠之策恐將來仍不免於開捐以天下之大而無三年之蓄汲汲乎惟朝夕之圖而貽君

父之憂此亦爲臣子者所深恥也當此之時欲於歲入常額之外別求生財之道則摻括一分民受一分之害誠不可以妄議矣至於歲出之數兵餉爲一大宗臣嘗考 本朝綠營之兵制竊見乾隆四十七年增兵之案實爲兵餉

羸絀一大轉關請卽爲我 皇上陳之自康熙以來武官卽有空名坐糧雍正八年因定爲例提督空名糧八十分

總兵六十分副將而下以次而減下至千總五分把總四分各有名糧又修製軍械有所謂公費銀者紅白各事有所謂賞卹銀者亦皆取給於名糧故自雍正至乾隆四十五年以前綠營兵數雖名爲六十四萬而其實缺額常六七萬至四十六年增兵之議起武職坐糧另行添設養廉公費賞卹另行開銷正項向之所謂空名者悉令挑補實額一舉而添兵六萬有奇於是費銀每年二百餘萬此臣所謂餉項羸絀一大轉關者也是時海內殷實兵革不作普免天下錢糧已經四次而戶部尙餘銀七千八百萬 高宗規模宏遠不惜散財以增兵力其時大學士阿

桂卽上疏陳論以爲 國家經費驟加不覺其多歲支則難爲繼此項新添兵餉歲近三百萬統計二十餘年卽須

用七千萬請毋庸概增旋以廷臣議駁卒從增設至嘉慶十九年 仁宗親帑藏之大絀思阿桂之遠慮慨增

兵之仍無實效 特詔裁汰於是各省裁兵一萬四千有奇 宣宗卽位又 詔抽裁冗兵於是又裁二千有

奇乾隆之增兵一舉而加六萬五千嘉慶道光之減兵兩次僅一萬六千 國家之經費耗之如彼其多且易也節

之如此其少且難也臣今冒昧之見欲請汰兵五萬仍復乾隆四十六年以前之舊驥而裁之或恐生變惟缺出而

不募補則可徐除之而萬無一失也醫者之治瘡癰甚者必剷其腐肉而生其新肉今日之劣弁羸兵蓋亦當爲簡

汰以劑其肉者痛加訓練以生其新者不循此二道則武備之弛殆不知所底止自古開國之初恆兵少而國強其

後兵愈多則力愈弱餉愈多則國愈貧北宋中葉兵常百二十五萬南渡以後養兵百六十萬而軍益不競明代養

兵至百三十萬末年又加練兵十八萬而孱弱日甚我 朝神武開國本不藉綠營之力康熙以後綠營屢立戰功然如三藩準部之大勦回疆金川之殊烈皆在四十六年以前至四十七年增兵以後如川楚之師英夷之役兵力反遠遜於前則兵貴精而不貴多尤爲明效大驗也八旗勁旅亙古無敵然其額數常不過二十五萬以強半朔衛京師以少半駐防天下而山海要隘往往布滿 國初至今未嘗增加今卽汰綠營五萬尙存漢兵五十餘萬視八旗且將兩倍權衡手本末較量乎古今誠不知其可也近者廣西軍興紛紛徵調外兵該省額兵二萬三千土兵一萬四千間竟無一人足用者粵省如此他省可知言念及此可勝長慮又上疏敬陳聖德 三端預防流弊言過切直 上怒梓其摺於地立 召見軍機大臣欲罪之祁公寓藻叩頭稱 主聖臣直者再季公芝昌公會試房師也亦爲請曰此臣門生素愚戇惟 皇上寬而宥之於是 上意解且優詔褒答公自爲侍從臣十餘年歷兼工部兵部刑部吏部侍郎雖嘗以直諫忤指 上益察其忠二年命典江西鄉試七月丁母憂歸是時粵賊已犯長沙圍之三月舍去掠民船順風一夜渡洞庭陷岳州又陷漢陽武昌二年正月沿江東下陷九江安慶破江甯據爲僞都秀全自稱天王建僞號太平天國分黨北犯河南直隸陷鎮江揚州踞之海內震動而公已奉 旨辦團練於長沙初公欲具疏請終制郭公嵩燾言於公曰公本有激清天下之志今不乘時而出拘守古禮何益於 君父且墨經從戎古之制也公於是投袂而起募農夫倡勇敢用書生爲營官湘軍之名自此始時土寇蜂起人心惶惑賊衆未至一日數驚縣令每畏蕙養癰及公之出先清內訌不經有司掩捕卽置重典十旬中戮二百餘人謗譏四起公與人書有不要錢不怕死之語一時誦之又手書告勸鄉人士耆老雖幼賤與鈞禮山野材智之士感其誠莫不往見人皆以曾公可與言事其求才也舉塔齊布於戎行譚羅澤南於諸生拔楊載福於卒伍延彭玉麟於舵庫保胡林翼以大用而湖南泄沓之風由公一變又嘗與郭公嵩燾江公忠源論東南形勢多阻水欲剿賊非水師不可乃奏請在衡州辦造戰艦南中匠卒不知辦此公研精覃思博采衆議得之遂成大小戰艦二百四十募水陸萬人水軍

以褚汝航楊載福彭玉麟等領之陸軍以塔齊布羅澤南領之賊自江西上竄再延九江安慶黃州漢陽等郡武昌戒嚴 朝廷累詔出兵策應初不責以數省軍務而公獨毅然以討賊自任於是以湖南爲根本將水陸東征舟師

初出湖遇大風損數十艘陸師至岳州前隊潰退引還長沙賊陷湘潭邀擊靖江又敗公憤投水左右援救得不溺後數日塔公大破賊於湘潭軍心始定公營長沙高峯寺重整軍實或請增兵公曰我水陸萬人非不多而遇賊卽潰岳州之敗水師拒賊者楊載福一營湘潭之戰陸軍塔齊布兩營水師楊載福兩營以此益知兵貴精不貴多故諸葛祁山之敗且謀滅兵省食勤求己過古人亦正切實體驗非虛言也且古人用兵先明功罪賞罰今時事艱難賢人君子大半潛伏吾以義聲倡導同履危亡諸公之初從我非以利動也故於法亦有難施其致敗實由於此諸將皆服既克湘潭公引兵趨岳州連戰下城陵磯水軍偏師挫辱復振會師金口謀攻武昌公率水師中流直下盡燬鹽關漢關鮎魚套賊舟而令羅公攻花園塔公攻洪山公親策應武昌漢陽賊見官軍盛宵遁遂復二郡捷奏至京師 文宗大悅手敕曰覽奏感慰實深獲此大勝殊非意料所及朕惟兢業自持叩天速救民劫也詔公署

湖北巡撫又詔督 軍解署任以前已奪官 賞兵部侍郎銜旋 賜黃馬褂當是時水軍銳甚順流而下大破賊於田家鎮至於九江前鋒薄湖口攻梅家洲賊壘不下駛入鄱湖賊斷其後路不得出於是外江內湖水師隔絕外江戰船無小艇賊乘舢舨夜襲營擲火燒數十百艘水師大潰公走羅軍以免憤欲自剄羅公止之公上疏請罪

詔旨寬免慰公謂大局無傷

顯皇帝之知臣聖矣哉然武漢空虛北岸軍弱南岸軍孤水師旣挫賊衆復西

上再陷武漢擾荆襄蹂躪崇通破義甯公遣胡公等軍回援湖北塔公軍九江攻城賊公身至南昌撫定水師之困內

湖者羅公從征江西復弋陽拔廣信克義甯而塔公卒於軍公復至九江羅公自義甯上書言東南大勢在武昌得

武昌乃可控制江皖大局乃有轉旋之望請率所部援武昌取建瓴之勢此時湖口諸軍但當主守不宜數數進攻

以順兵損威戒諸公堅持必俟湖北克復大軍全注九江乃可議戰公從之幕府劉公蓉諫曰公所賴以轉戰者塔



羅兩軍今塔將軍亡諸將可恃獨羅公又令遠行脫有急誰遣使者公曰吾極知其然計東南大局宜如是今俱困於此無益此軍幸克武昌天下大勢可爲吾雖困猶榮也羅公遂行郭公嵩燾送之曰曾公兵單弱君遠去奈何羅公嘆曰天苟不亡本朝曾公必不死諸軍無憂五年九月公補授兵部侍郎其冬僞翼王石達開由崇陽通城竄入江西連陷八府一州九江賊踞自如湖南北音問不通公因南昌從衆議復調羅公羅公因攻武昌而亡公弟國華國傑聞江西急用父命走湖北乞師巡撫胡公孫兄難將五千人行攻瑞州湖南巡撫駱公秉章亦資公弟國蓋兵援吉安兄弟皆會行間公前所遣回援湖北諸軍久之再克武漢直下九江李公續賓八千人軍城東楊公載福戰船四百號泊江兩岸江甯將軍都興阿公馬隊佐以鮑公超步隊駐小池口凡數萬人軍容整肅公自南昌迎勞望見之則大喜兵勢復振是時下游軍事棘江南大營失陷督師向公榮退守丹陽卒朝廷以和春爲欽差大臣張國樑爲總統復進攻金陵賊內亂僞東王楊秀清僞北王韋昌輝俱死七年二月公丁父憂奔喪回籍請開缺守制得假三月治喪再疏陳情具言辦事艱難狀上雅知公拘謹重違其意乃先開兵部侍郎缺令守禮廬候旨胡公既定湖北進圍九江破湖口外江內湖水師絕四年復合楊公乘勝轉門拔彭澤望江東流揚颶過安慶克銅陵泥汊與江南水軍通於是湘軍水師名天下胡公以此軍本公建立楊彭皆公舊部請起公復統水師會九江克復僞翼王石達開自江西竄入浙江浸及福建上卽家召公出辦浙江軍務公至江西未幾又詔援閩時僞英王陳玉成再破踞廬州李公續賓赴援至三河覆沒駱公秉章請公舍江圖皖公亦奉旨統籌全局者屢矣迺規取形勢九年正月上奏曰就數省軍務而論安徽最重江西次之福建又次之計惟大江兩岸各置重兵水陸三路鼓行東下剿皖南則可以分金陵之賊勢剿皖北則可以分廬州之賊勢北岸須添足馬步三萬人都興阿李續宜鮑超等任之南岸須添足馬步二萬人臣率蕭啓江張運蘭任之中流水師萬餘人楊載福彭玉麟任之至江西軍務亦分兩路臣與撫臣耆齡任之臣任北路耆齡任南路福建之賊閩省兵力足以自了粵賊句結燃匪營以馬隊

衛鋒擬調察哈爾戰馬三千匹募勇三千擇平曠之地馳騁操習臣願竭數月之力訓練成熟以備攻剿 上深然其策後數月石達開竄入湖南攻永州圍寶慶 上慮四川且有變令公以軍防蜀行至巴河聞賊已引去竄入廣西而上游兵事解胡公迺建議圖皖與公合謀攻安慶使弟國荃督諸軍在前圍之多隆阿公軍桐城李公續宜軍青草礪公次宿松經營江北而皖南賊陷廣德州遽入浙江襲破杭州回竄建平東壩溧陽僞忠王李秀成大會羣賊建平分道解救金陵江南大營復陷官軍悉潰常州蘇州相繼失咸豐十年閏三月也左公宗棠聞而歎曰天意其有轉機乎或問其故曰江南大營將蹙兵罷萬不足資以討賊得此一洗蕩而後來者可以措手又問誰可當之胡公林翼曰 朝廷能以江南事付曾公天下不足平也 於是天子慎選帥以公功效懋著就加兵部尙書銜署理兩江總督促救蘇常左公宗棠方嚮用有 旨下公問狀卽令襄辦軍務 賞給四品京堂未幾公補實授 欽差大臣或言當撤安慶圍先所急公曰安慶一軍關係淮南全局卽爲克復金陵張本不可以動搖也遂南渡江趨祁門是時江浙賊氛熾官紳告急軍書日數十至援蘇援滬援浙援皖援鎮江 詔書疊下公至祁門未十日賊陷甯國又數日陷徽州中國方困兵革而西洋英吉利寇天津科爾沁王僧格林沁與戰敗續京師戒嚴 文宗將熱河恭親王留守勝保奏請飛召外援公發書請提兵北上會和議成乃止其冬大爲賊所圍一出祁門東陷婺源一出祁門西陷景德鎮一入羊棧嶺攻其北環城數重吏士皆有憂色固請移營江干與水師相仗公曰無故退軍兵家上忌此不可也卒不從使人閒行檄鮑超張運蘭亟引兵會身在軍中意氣自如猶時時以詩古文是娛其堅定不搖率此類也左公至江西後數破賊樂平浮梁開公薦宗棠可大用請改幫辦軍務十一年八月公弟國荃克復安慶捷未聞而 文宗崩 穆宗立帝年少 兩宮 太后垂簾聽政以公先帝重臣委任益

至命節 制江蘇安徽江西浙江四省軍務 朝廷每有軍國大議咨而後行公弟國荃既克安慶用兵如神公益令召募付以江甯事杭州再陷公舉左公宗棠付以浙江事蘇州之陷賊逼上海官紳來乞師公舉幕僚李公鴻章

付以江蘇事令至淮上招募得八千人公爲定營制選將官以湘軍之良教之名曰淮軍同治元年公協辦大學士  
當是時公駐安慶居中調度公弟國荃有直搗金陵之師李公鴻章有援剿蘇滬之師楊公載福彭公玉麟有肅清  
下游之師大江以北多隆阿公有圍攻廬州之師李公續宜有派援潁州之師大江以南鮑公超有進攻甯國之師  
張公運蘭有防剿徽州之師左公宗棠有規復全浙之師十道並出皆受成於公此外袁公甲三及李世忠淮上之  
師都與阿公防江北之師馮公子材守鎮江之師並奉 旨統籌兼顧軍書旁午日不暇給其秋皖南金陵軍病疫  
死亡山積公懼大局決裂憂甚奏請 簡親信大臣馳赴江南分任重責 上諭勞之曰朝廷信用楚軍以曾國藩  
忠勇發於至誠推心置腹倚以挽救東南全局自諸軍進逼金陵逆匪老巢已成阱檻疊經諭令毋徒求效且夕惟  
當立足不敗以俟可成之機矧疫疹解興各軍病困之餘詎忍重加督責其各傳旨存問當此艱難時會益以疾疫  
流行深虞墮士氣而長寇氛此無可如何之事非該大臣一人之咎意者朝廷多所闕失足以上干天和我君臣當  
痛自刻責實力實心勉圖禳救爲民請命以冀天心轉移事機就順至天災流行必無偏及各營將士既當其厄賊  
中亦豈能獨無傳染該大臣鬱憤之餘未遑深詢刻下在京固無可簡派之員環顧中外才力氣量如曾國藩者一  
時亦實難其選該大臣素嘗學問時勢艱難尤當任以毅力矢以小心仍不容一息稍懈也洪秀全被圍久召李秀  
成蘇州李世賢浙江悉衆來援號六十萬圍公弟國荃雨花臺拒戰四十六日解去語具忠襄傳中明年五月水師  
克九洲洲長江肅清江甯城圍合十月李公鴻章克蘇州又明年二月左公宗棠克杭州公弟國荃克江甯  
天子褒功加公太子太保封一等毅勇侯世襲罔替 賞戴雙眼花翎中外咸來稱賀公功成不居獨綢如畏論克  
金陵謂非前拙而後工時不可爲雖聖哲亦終無成時可爲則事半而功倍無一事不存敬慎之心 穆宗之  
初立屢詔保薦督撫大員公奏封疆將帥 天子舉錯之疊臣既有征伐之權不當更分黜陟之柄不特臣爲然凡  
爲督撫者辨之不可不早宜防外重內輕之漸兼杜植私樹黨之端 太后臨朝稱善初官軍習氣深勝不相

讓敗不相救公練湘軍謂必萬衆一心萬人一氣方可辦賊又以淮上風氣强悍宜別立一軍湘軍利山徑險阻馳騁平原非其所長用武十年氣亦稍衰故練淮軍以爲湘軍之繼至是東南大定裁湘軍進淮軍而剿撫事起撫匪者始於山東游民相聚其後河南之光固安徽之潁亳江蘇之淮徐羣盜剽略脅從愈衆諺名爲撫或曰其黨明火劫人撚紙然脂故謂之撫有衆數十萬馬數萬蹂躪數千里分合不常撚首四人曰張總愚任柱牛洪賴文光自洪寇苗練營糾與官軍戰益習攻門勝保袁甲三不能禦僧格林沁親王移師攻討數年亦不能大創之四年四月公聞僧王輕騎追賊一日一夜行三百餘里步兵弗能從曰兵法忌之必蹶上將軍將密陳於上止之弗及而王果敗沒曹州城下上聞大驚立召公引兵赴山東剿賊其直東豫三省綠旗各營地方文武節制如僧王而李公鴻章代爲總督廷旨促督師公覆陳目下情形萬難迅速一楚勇裁撤殆盡僅存三千作爲親兵外調劉松山一軍及劉銘傳淮勇各軍尙不敷剿辦當另募徐州勇以楚軍之規模開齊兗之風氣期以數月訓練成軍一撚匪戰馬極多步兵不足當騎賊擬赴古北口採辦戰馬在徐州添練馬隊一阨賊北竄全恃黃河天險現辦黃河水師亦須數月乃能就緒一直隸宜另籌防兵分守河岸不宜令河南之兵兼顧河北僧格林沁嘗周歷湖北安徽河南江蘇山東五省臣斷不能兼顧五省不但不能至湖北也如以徐州爲老營則山東祇能辦兗沂曹濟四郡河南祇能辦歸陳兩郡江蘇祇能辦徐淮海三郡安徽祇能辦廬鳳潁泗四郡此十三府州者責臣督辦而以其餘責成本省督撫則汎地各有專屬軍務漸有歸宿又奏定扼要駐軍不事馳逐軍餉器械絲水道轉運以江南爲根本以清江浦爲樞紐溯淮潁而上者達於臨淮關溯運河而上者達於徐州濟甯安徽以臨淮爲老營河南以周家口爲老營江蘇以徐州爲老營山東以濟甯爲老營各駐重兵多儲軍械一處有急二處往援有首尾相應之象無疲於奔命之虞或可以拙補遲徐圖功效又言賊情已成流寇若賊流而官兵與之俱流則節節尾追著著落後臣堅持初議以有定之兵制無定之寇專重迎剿不事尾追公督師年餘賊馳突如故將士皆曰不苦戰而苦奔走公迺起張



秋抵清江築長牆馮運河禦之未成而賊竄襄鄧間公移而西更修沙河賈魯河開濠置守分地甫定賊衝河南汎地復突而東時議咎公迂闊公在軍久益慣用兵初立駐兵四鎮之議次設扼守黃運河之策皆得其要在臨淮搜除蒙辜匪黨以絕其根株在徐州辦結湖團巨案以杜其勾引大小數十戰力竭凶鋒撓勢實因此而衰而是時官路數劫公公亦以河防無成奏請李公鴻章以江督出駐徐州與東撫會辦東路公弟國荃以鄂撫出駐襄陽與豫撫會辦西路自駐周家口策應或又劾公驕妄公念權位所在衆責歸之始有憂讒畏譏之心乃請病假數月繼請開缺以散員留營效力另簡欽差大臣接辦軍務又奏剿撓無功請將封爵暫行注銷以明自貶之義上皆不許五年冬奉旨回兩江總督本任李公鴻章代督軍時牛洪死張總愚竄入陝西任杜賴文光入湖北然自時不復合併遂有東西撓之號六年六月公補受大學士仍治兩江任杜賴文光再入河南竄山東渡運河擾登萊青李公鴻章劉公長佑建議集四省兵力會堵運河英翰公請合兵守膠萊河圈賊海隅皆主公防河初議賊復引而西越濰河南入海州官軍陳斬任柱再擊破之壽光瀾河文光走死揚州東撓平詔加公雲騎尉世職張總愚入陝後爲劉公松山所敗走數月乘冰堅渡河竄山西入直隸擾犯保定天津河間京師戒嚴劉公松山繞出賊前破之於獻丁公寶楨入援駐固安左公宗棠駐天津李公鴻章駐大名英翰公李公鶴年防河南北岸賊越運河竄東昌武定李公鴻章移師德州時河北水漲官軍扼河以困之公派提督黃翼升總兵歐陽利見領水師協剿龍神見舟中水師至合官軍圍蹙之大破撓黨於茌平南鎮張總愚赴水死西撓平凡防河之策皆公本謀也是年公授武英殿大學士秋調補直隸總督公奏直隸最要之政在練兵飭吏次則河工請留劉銘傳一軍以資拱衛再練萬人使成勁旅則畿輔不患空虛民間疾苦由於積獄太多差徭太重屬僚玩上虐民當嚴法以懲之永定海沱二河永爲民患宜大加疏濬皆興辦如言期年百廢具舉無何天津民焚燬法國教堂以堂中授迷藥拐幼孩挖眼剖心殺傷教民數十人天津大擾公在病假中奉命查辦與通商大臣崇厚分謗不獎士民義憤以粵撫初平宜堅保和局不